

NORÜ TAXRE GA POPERA GA

PEDRU ÜMATÜXÜ

Pedru nüxü narümoxe ga yema yaxögüxü

1 ¹Pa Chaueneëgüx, choma i Chimáü i Pedru nixi i pexçax chanaxümatüxü i ñaã popera. Rü choma rü Ngechuchu ya Cristuarü ngüxëëruü chixi, rü nüma nixi ga choxü namuxü na nüxü chixuxüçax i norü ore. Rü pexçax chanaxümatü i pema na toxrüü aixcüma peyaxögüxü, erü törü Tupana rü törü Maxëëëruü ya Ngechuchu ya Cristu rü aixcüma nimexëchi. ²Rü ñuxma na Tanatü ya Tupanaxü pecuáxü rü törü Cori ya Ngechuchuxü pecuáxü, rü chanaxwaxe i nümagü aixcüma pemaã namecüma rü aixcüma pexü nataãëxë.

Yaxögüxücmagüchiga

³Rü Tupana rü noxrütama poramaã marü tüxna nanaxã ga guxüma i ngëma nacüma i mexü i inaxwaxexü na aixcüma meã naxçax imaxëüçax. Rü yemaãcü nanaxü ga yexguma tüxü nüxü nacuxëëgu ga guma törü Cori ya mexëchicü ga norü poramaã tüxü idexechicü. ⁴Rü yematama norü poramaã tüxna nanaxã ga guxüma ga

norü ngüxëë i mexëchixü ga inaxunetaxü na naxrüü pimexüçax rü nüxna pixigachixüçax i guxüma i chixexügu i duüxüguarü ngüchaü i chixexügagu ñoma i naãnewa ngëxmaxü. ⁵Rü ngëmacax penaxwaxegü na pegü peporaexëëxü na meã peyaxögüxü rü ngëxgumarüü ta penaxwaxegü na meã togüpexewa pemaxëxü, rü ngëxgumarüü ta penaxwaxegü na meãma nüxü pecuáxü na çacü yixü i Tupana pexü naxwaxexü. ⁶Rü ngëxgumarüü ta penaxwaxegü na meã pegümaã ipecuáxü na tama chixexügu peyixüçax. Rü ngëxgumarüü ta penaxwaxegü na yaxna pegümaã pexüniëxü. Rü ngëxgumarüü ta penaxwaxegü na aixcüma Tupanaxü pengechaügüxü. ⁷Rü ngëxgumarüü ta penaxwaxegü na pegü pengechaügüxü ya guxüma i pemax. Rü ngëxgumarüü ta penaxwaxegü na guxüma i duüxügüxü na pengechaügüxü. ⁸Rü ngëxguma aixcüma ngëma pexü chaxucuxëüäcüma pemaxëgu, rü täütáma natüçaxma nixi i perü maxü, rü täütáma natüçaxma nixi na nüxü

pecuáxũ ya tórũ Cori ya Ngechuchu ya Cristu. ⁹Natürũ yíxema tama ngẽma pexũ chaxucuxẽxũãcũma maxĩxẽ, rü ñoma tangexetũxũrũ tixĩ. Rü ñoma wũxi i duũxũ i tama nagu rüxinũxũ i ngẽma yixcũra tá nüxũ ngupetũxũrũ tixĩ, erũ nüxũ itayarüngũma na ñuxãcũ Tupana tũxũ nüxũ ngechaũxũ ga tũmaãrũ pecadugũ. ¹⁰Rü ngẽmacax, Pa Chaueneẽgũx, name nixĩ na yexeraãcũ meã Tupanacax pemaxẽxũ na ngẽmaãcũ ipenawéxũcax na aixcũma Tupanaãrũ duũxũgũ ya pexcax naçaxe rü pexũ yadexechixe na pixĩgũxũ. Rü ngẽxguma ngẽmaãcũ pemaxẽgu rü tagutáma chixexũgu peyi rü tagutáma Tupanaxũ ípetax. ¹¹Rü ngẽmaãcũ ya Tupana, rü tá meã pexcax nayawãxna i ñax na tauxchaãcũ pichocuxũcax i ngextá guxũgutáma ãẽxgacũ íyĩxũwa ya tórũ Cori ya Ngechuchu ya Cristu ya tórũ Maxẽẽerũ. ¹²Rü ngẽmacax woo marũ nüxũ na pecuáxũ rü nagu na pexĩxũ i ngẽma ore i aixcũma ixĩxũ, natürũ guxũgutáma pexna nüxũ chacuaxãchixẽẽcha ga yema pexũ namaã chaxucuxẽxũ. ¹³Erũ ñuxma na chamaxũxũ i chomax, rü nagu charũxinũ na namexũ na pexna nüxũ chacuaxãchixẽẽxũ i ngẽma ore i namaã pexũ chixucuxẽgũxũ, na ngẽmaãcũ pexũ changũxchaũxẽẽxũcax na meã Tupanacax pemaxẽxũ. ¹⁴Rü pemaã nüxũ chixu i ngẽma, erũ tórũ Cori ya Ngechuchu ya Cristu choxũ nüxũ nacuaxẽẽ na paxa tá chayuxũ. ¹⁵Rü ñoma rü ta na chamaxũxũ, rü meã pexũ chixucuxẽgũ na ngẽxguma chayuxguwena rü guxũguma nüxna pecuaxãchiexũcax i ngẽma chorũ

ucuxẽgũ na ñuxãcũ Tupana naxwaxexũ na pemaxẽxũ.

Pedru rü namücũgũ rü aixcũma Cristuxũ nadaugũ ga na ñuxãcũ namexẽchixũ

¹⁶Rü yexguma pexũ tangúexẽẽgu na ñuxãcũ naporaxũ ya tórũ Cori ya Ngechuchu ya Cristu rü ñuxãcũ tá wena na nataeguxũ, rü tama tomatama togüãẽwa tayaxuxũ i ore nixĩ. Yerũ tomatama toxetũmaã nüxũ tadau na ñuxãcũ namexẽchixũ i nüma ya tórũ Cori. ¹⁷Rü nüxũ tadau ga yexguma Tanatũ ya Tupana nüxũ icuaxũũgu. Rü nüxũ taxĩnüẽ ga yexguma gumatama Tanatũ ya Tupana ya Mexẽchicũ ñaxgu:

“Daa nixĩ ya Chaune ya nüxũ
changechaũxũchicũ. Rü choma
rü poraãcũ namaã
chataãẽxũchi”,

ñaxgu. ¹⁸Rü aixcũma tomaxũchima nüxũ taxĩnüẽ ga yema Tupanaga ga daxũguxũ ga naãnewa inaxũxũ, yerũ tomatama rü tórũ Corimaã tayexmagũ nawa ga guma maxpũne ga üünene ga yexguma yema ngupetũgu. ¹⁹Rü yemaãcũ nüxũ tadau na aixcũma yĩĩxũ ga yema ore ga nuxcũmaũgũxũ ga Tupanaãrũ orearũ urũgũ nüxũ ixugũgũxũ. Yerũ yema nüxũ yaxugũgũxũrũũtama nixĩ ga nüxũ tadauxũ. Rü name nixĩ i pema rü ta aixcũma meã nagu perũxinũẽ i ngẽma ore, erũ wũxi i omũ i íraxetũxũ i ããnexũwa ibaxixũrũ nixĩ. Rü ngẽma ore rü tá pexũ nüxũ nacuaxẽẽ i Tupanachiga ñuxmatáta ínangu ya tórũ Cori ya Ngechuchu ya Cristu ya yima woramacuri ya ngunetũxũ ngócürũĩ ixĩcũ. Rü ngẽxguma ínanguxgu i nüma

rü aixcüma tá meã pexũ nüxũ nacuxẽẽ i guxũma i nachiga. ²⁰Natürü chanaxwaxe na guxũärü yexera nüxũ pecuáũ i ñaã ore i tá pemaã nüxũ chixuxũ. Rü dücax, taxúema tüechamatama nüxũ tacuax i tacüchiga na yĩxũ i Tupanaärü ore i ümatüxũ, ega Tupanaã i Üünexũ tama tüxũ rüngüxẽẽgu. ²¹Yerü taxuũma ga Tupanaärü orearü uruũ rü nüechamatama nügüãẽwa nanayaxu ga yema ore ga nüxũ yaxugügüxũ. Natürü yexguma yema orexũ yaxugügügu, rü Naã i Üünexũ nixĩ ga yadexagüxẽẽxũ.

Doramaã duũxügüxũ ngüxẽẽxũchiga

2 ¹Natürü nuxcüma rü nayexma ta ga Tupanaärü orearü uruũgüneta ixĩgüxũ ga Yudíugütanüwa. Rü ngëxgumarüũ tá ta petanüwa nangëxma i duũxügü i ngüxẽẽruũgüneta ixĩgüxũ. Rü nümagü rü tá doramaã nanaxüchicüü i Tupanaärü ore, rü ngëmaãcü tá pexũ nangüxẽẽ i ore i dora ixĩxũ na pexũ nawomüxẽẽgüxũcax. Rü nümagü rü täütáma naga naxĩnüechaũ ya yima tórü Cori ya Ngechuchu ya Cristu ya norü Maxẽẽruũchirex ixĩcü. Rü ngëmagagu ya Tupana rü ngürüächi tá nanapoxcue i ngëma duũxügü i ngëmaãcü maxëxũ, rü tá inayanaxoxẽẽ. ²Rü nümagü rü tá nüxũ nixugü na tama wüxi i chixexũ yĩxũ ega woo taxüneaũrü ngüchaũ ixüxgu. Rü muxũma i togü i duũxügü rü tá nawe narüxi i ngëma chixexũ i naxügüxüwa. Rü ngëma chixri pexũ ngüxẽẽxũgagu rü muxũma i togü i duũxügü rü tá chixri nachiga nidexagü i Tupanaärü ore i mexũ i aixcüma ixĩxũ.

³Rü nümagü i ngëma duũxügü i chixexũ rü tá nügüna nananugüchaũ i guxũma. Rü ngëmacax tá pemaã nüxũ nixu i ore i chixexũ ixĩxũ na ngëmaãcü pexũ nawomüxẽẽgüxũcax rü pexũ ngĩxũ nayauxgüxũcax i perü díeru. Natürü tá napoxcue i ngëma duũxügü, rü täütáma nibuxmü. Erü Tupana rü woetama nuxcü mama nanamexẽẽ i ngëma poxcu. ⁴Yerü ga Tupana rü tama nüxũ nüxũ nangechaũ ga norü orearü ngeruũgü ga daxüçüãx ga pecadu ügüxũ. Rü yemacax ínaxẽãnexüwa i ngoxogüxũ ínapoxcuexüwa nanawogü. Rü cadenamaã nanañixgü na ngëma nangëxmagüxũcax ñuxmatáta nawa nangu i ngëma ngunexũ i nagu Tupana nüxna çaxũ i guxũma i duũxügü. ⁵Rü yexgumarüũ ta ga Tupana rü tama nüxũ nüxũ nangechaũ ga yema nuxcümaũgüxũ ga duũxügü ga chixexũ ügüxũ. Rü yemacax mucü ga taxüchicü naxçax yéma nanamu na gumamaã nadaiãxũcax ga yema duũxügü ga chixexũ ügüxũ. Natürü ga Tupana rü Noéxũ nadau ga na meãma duũxügüxũ yaxucüxëgüxũ na nüxũ naxoexũcax ga norü chixexügü. Rü yemacax ga Tupana rü Noéxũ namaxẽẽ namaã ga 7 ga natanüxügü. Natürü nanadai ga guxũma ga yema togü ga duũxügü. ⁶Rü Tupana rü yexgumarüũ ta inayanaxoxẽẽ ga guma ñãnegü ga Chodoma rü Gomora ga poraãcü chixri duũxügü nawa maxëne. Rü ínanagu ga guma ñãnegü ñuxmata norü tanimacaxicatama íyaxü. Rü yemaãcü nanaxü na guma ñãnegü rü wüxi ga cuaxruü na yĩxüçax nüxũ ga yema duũxügü ga chixexũ ga yemawena maxëxũ. ⁷Natürü ga Chodomawa rü

Tupana nanamaxēẽ ga Lox ga wüxi ga yatü ga mecü ixícü ga poraäcü ngechaücü ga yexguma nüxü nadauxgu ga ñuxäcü chixri na namaxēxü ga yema duüxügü ga natanüwa nayexmaxü. ⁸Rü guxü ga ngunexügu rü nüma ga Lox ga meã maxücü rü poraäcü naãewa nangux ga yexguma nüxü nadauxgu rü nüxü naxĩnügü ga yema chixexügü ga naxügüxü ga yema duüxügü ga natanüwa nayexmaxü. ⁹Rü yema Loxü na namaxēxüürüü ga Tupana, rü nüxü natauxcha na tüxü ñnanguxüxēẽxü i ngēxguma Chataná tüxna ñnügü ya yíxema meã maxēxē. Rü ngēxgumarüü ta ya yíxema chixexü ügüxe, rü nüxü natauxcha na poxcuwa tüxü nangēxmagüxēẽxü ñuxmatáta nawa nangu i ngēma ngunexü i nagu guxüma i duüxügüxü yacagüxü. ¹⁰⁻¹¹Rü Tupana rü aixcüma tá nanapoxcue i ngēma duüxügü i naxüneaäri ngúchaügu ñxü i tama naga ñnüëchaüxü ya tóru Cori. Rü ngēma duüxügü rü taxúegama naxĩnüëchaü, rü nadauxcüraxüwaxegü rü nügüguxicatama narüxĩnüë. Rü tama namuüë na namaã naguxchigagüxü i ngēma äëxgacügü i daxücüäx i Tupanatüüwa ngēxmagüxü. Rü ngēmaäcü namaxē i ngēma duüxügü. Natürü woo Tupanaärü orearü ngeruügü i daxücüäx i ngēma duüxügüxü rüyexeraxüchichiréxü, rü namuüë na ngēmaäcü namaã naguxchigagüxü i ngēma äëxgacügü i daxücüäx i Tupanatüüwa ngēxmagüxü. ¹²⁻¹³Rü ngēma nguxēeruügüneta, rü ñoma naëxügüürüü nixígü, rü naëxügüürüü taxuüma nacuaxgü. Rü ngēma naxünegü naxwaxexü nixí i

naxügüxü. Rü nabue na ñoma naëxügü i yayauxgüxü rü naäaixüürüü yixígüxüçax. Rü chixri nachiga nixdagü i ngēma tama nüxü nacuaxgüxü. Natürü ngēma chixexü i naxügüxügüga tá inayarütauxe, rü ngēmaäcü ngúxü tá ningegü nagagu i ngēma ngúxü i toguäxü yangexēëgüxü. Rü nümagü rü namaã nataäëgü i ngēma chixexü i ngunecütama naxügüxü. Rü ngēxguma pemaã nachibüegu, rü wüxi i chixexüchixü rü änxëxüchi nixígü erü ngēma rü ta nanaxügü i norü chixexügü i namaã pexü nawomüxēëgüchaüxü. ¹⁴Rü ngēma duüxügü rü taxuacüma wüxi ya ngeäxü nadaugümare, natürü naãewa rü nagu narüxĩnüë na nüxü tangüchaüxü. Rü tama nüxü ninguéga na pecadu naxügüechaxü. Rü naxçax nadaugü na ñuxäcü chixexügu tüxü nayixēẽxü ya yíxema duüxügü ya turaearü maxüäxgüxe. Rü nüxü nicuaxüchi na ñuxäcü tacü nügüna nanugüexü. Natürü Tupana rü marü namaã nanaxuegu na napoxcueäxü. ¹⁵Rü ngēma duüxügü rü tama nagu naxí i ngēma Tupana nüxü naxwaxexü, rü ngēmacax inayarütauxe. Rü nagu naxí ga yema chixexü ga nagu yaxüxü ga nuxcümaüxü ga Tupanaärü orearü uruü ga Baráü ga Beú nane ga chixexü üxü na yemaäcü dñeru ngíxü nayaxuxüçax. ¹⁶Rü noxrütama cowaru ga woo taguma idexachirexcü, rü wüxi ga duüxüürüü namaã iyadexa rü inanga naxçax ga yema chixexü ga naxüxchaüxü. Rü yemaäcü Baráxü íyachaxächixēë na tama naxüäxüçax ga yema chixexü ga naxüxchaüxü. ¹⁷Rü ngēma duüxügü rü taxuwama nime ñoma wüxi i puchu i

ngearü dexááxürüü. Rü ñoma wüxi i caixanexü i buanecü icuexürüümare nixĩ na taxuwama yamexü. Natürü Tupana rü marü nanamexëe i wüxi i nachica i ëanexüchixü i ngextá guxügutáma ínapoxcueâxüwa i ngëma duüxügü. ¹⁸Rü ngëmaâcü tá nanapoxcue i ngëma duüxügü, erü nügü yacuaxüügüâcüma chixri nidexagü i ore i taxuwama mexümaã. Rü tüxü nixucuxëgü na tûmaxüñearü ngüchaügu na taxüxcax ya yíxema marü ngexwacax ngëmaxü rüxoechiréxe. ¹⁹Rü tûmamaã nüxü nixu rü ngëxguma nawe tarüixgu rü tá tüxü ínanguxüxëe na taxuümexëwa tangëxmagüxcax rü tûma tanaxwaxexüâcüma tamaxëxcax. Natürü ngëma duüxügü i ngëmaâcü chixri idexagüxü, rü nümagütama rü norü chixexütüüwa nangëxmagü. Erü guxüma i duüxügü, rü ngëma nüxü rüyexeramaëxütüüwa nangëxmagü. ²⁰Rü guxáma ya yíxema marü tóru Cori ya Ngechuchu ya Cristu ya tóru Maxëxëeruüxü cuaxgüxe, rü marü nawa ítanguxü i ñoma i naãñearü chixexügü. Natürü ngëxguma chi wenaxärü naxcax tawoegugu i ngëma chixexü i nawa ítanguxüchiréxü, rü tûmaärü me yixígu na wena ngëma chixexütüüwa tangëxmagüxü, rü aixcüma noxriarü yexera tichixe. ²¹Erü ngëxguma chi nüxü tacuaxgüguwena nüxü tarüxoegu i ngëma ore i mexü ga noxri tayauxgüxü, rü narümemaë chi nixĩ ga noxtacüma tãu chima nüxü na tacuaxgüxü i ngëma maxü i aixcüma mexü. ²²Tupanaärü ore i ümatüxüwa rü ñanagürü:

“Ngëma airu i nügü oxgüxü, rü wenaxärü naxcax nataegu i

norü oxü na yaweaxüxcax. Rü ngëma cuchi i norü yora meãma aiyachiréxü, rü ngëxgumatama wenaxärü norü aiyaneçax nataegu”,

ñanagürü i ngëma orewa. Rü ngëxgumarüü nixĩ i ngëma duüxügü i marü Tupanaärü orexü cuaxgüchiréxü rü ñuxüchi wenaxärü naxcax woeguxü i norü chixexügü ga noxri nawa ínanguxüchiréxü.

Tóru Coriarü taeguchiga

3 ¹Pa Chaueneëgü ya Pexü Changechaügüxex, ñaã nixĩ i ngëma norü taxre i popera i pexcax chaxümatüxü. Rü yema nüxüraüxü ga poperawa pemaã nüxü chixuxürüü, rü wena pexü chixucuxëgü rü pexna nüxü chacuaxächixëe na aixcüma meã Tupanaärü oregu perüxinüëxcax. ²Rü chanaxwaxe i nüxna pecuaxächie i ngëma ore ga nuxcümaügüxü ga Tupanaärü orearü uruügü ga ixüünexü nüxü ixugügüxü. Rü ngëxgumarüü ta chanaxwaxe i nüxna pecuaxächie i ngëma tóru Cori ya Ngechuchu ya tóru Maxëxëeruüärü mugü ga pexü nangüxëxü ga norü orearü uruügü ga nüma pexütawa namugüxü. ³⁻⁴Natürü chanaxwaxe i guxüärü yexera nagu perüxinüë i ñaã ore i pemaã tá nüxü chixuxü. Rü dücax, rü ngëxguma nagüxchaügu i ñoma i naãñe, rü tá ínangugü i duüxügü i chixexü i nagu íxü i naxüñearü ngüchaügü. Rü nümagü rü tá nacugüëâcüma ñanagürügü:

“Dücax, Cristu inaxuneta na wena núma naxüégaxü. ¿Rü tacü namaã nangupetü i ñuxma na tama ínanguxü?

Rü marü düxwa nayue ga tórü oxigü ga yaxögüxü, natürü noxri naäne üxgumama rü nanangëxgumaraüëchatama i guxüma”, ñanagürügü tá. ⁵⁻⁶Natürü ngëma duüxügü i ngëmaäcü idexagüxü rü tama nüxü nacuaxgüchaü ga yema ngupetüxü ga yexguma Tupana ñoma ga nañewa namuägu ga guma mucü ga tacü ga iyanaxoxëëcü ga guxüma ga tacü ga ñoma ga nañewa yexmaxü. Rü nuxcümäxüchima naxüpa ga guma mucü rü woetama nayexma ga ñoma ga naäne rü guxüma i daxüwa nüxü idauxü ga Tupana ngoxëëxü ga yexguma namuägu na nangóxüçax. Rü yemaäcü dexächüüwa nangox ga ñoma ga naäne rü dexáartü ngäxütüchüüwa nayexma, yerü yemaäcü nanamu ga Tupana. ⁷Natürü ngëma ñuxma ngëxmaxü i daxüwa nüxü idauxü rü ñoma i naäne rü Tupana namañ nanguxü na yixcama üxüwa yaxaxüçax, yerü yemaäcü namañ nanaxuegu. Rü ngëma ñoma i naäne rü ngëma daxüwa nüxü idauxü, rü yima üxü ya Tupana nüxü ixuxünewa tá nixi i aixcüma ínaguäxü i ngëma ngunexü i nagu naxunetaxügu na napoxcueäxü rü chixexüwa nawogüäxü i ngëma duüxügü i tama naga ñnüëchaüxü. ⁸Rü ñuxmax, Pa Chaueneëgü ya Pexü Changechaügüxex, tama chanaxwaxe i nüxü ipeyarüngümaë na wüxitama i ngunexü rü tórü Coricax rü 1000 ya taunecürüü yixü. Rü ngëxgumariüü ta, 1000 ya taunecü rü tórü Coricax rü wüxitama i ngunexürüü yixü. ⁹Rü ñuxre i duüxügü rü nagu narüxínüë na tãütáma paxa ínanguxü ya tórü Cori yema tamañ inaxunetaxürüü. Natürü

nüma ya tórü Cori rü tama nanuxcüäë na yanguxëëäxü i ngëma norü uneta, natürü nüma rü tamañ yaxna naxínümare. Erü nüma rü tama nanaxwaxe na texé iyarütaxuxü, natürü nanaxwaxe na guxâma nüxü rüxoexü i tümacüma i chixexü. ¹⁰Natürü ngëma ngunexü i tórü Cori nagu ínguxü, rü taxüema nagu ínanguxëëxügu tá nixi. Erü ngürüächimare tá ínangu ñoma wüxi i ngítaxäxü ínguxürüü. Rü ñuxüchi guxüma i tacü i daxüguxü i nañewa ngëxmagüxü rü tá tagaäcü niwäixgü rü ngëmaäcü tá inayarütauxe. Rü yima üaxcü rü tauemacü rü woramacurigü rü ëxtagü rü tá nixae rü ngëxma tá nayarüxogü. Rü ngëxgumariüü tá ta i ñoma i naäne rü tá nixa namañ i guxüma i tacü i nawa ngëxmagüxü. ¹¹Rü ñuxma na ngëmaäcü tá namañ nangupetüxü i guxüma i tacü i ngëxmaxü, rü yexeraäcü penaxwaxe na aixcüma Tupanapëxewa pixüünexü rü nüma nanaxwaxexüäcüma na pemaxëxü. ¹²Rü name nixi i meã ípenanguxëë i ngëma ngunexü i nagu tá ínanguxü ya tórü Cori ya Tupana. iRü paxa guxüwama nüxü pixu i norü ore rü aixcüma naxcax pemaxë na ngëmaäcü ípenanguxëëxüçax! Rü ngëma ngunexügu rü guxüma i daxüwa nüxü idauxü rü tá nixa rü tá inachaxichigü. Rü ñoma i naäne rü üaxcü rü tauemacü rü ëxtagü rü yima üxümañ tá inachaxichigü. ¹³Natürü yixema na yaxögüxü rü ítananguxëë i ngëma ngexwacaxüxü i daxüguxü i naäne rü ngexwacaxüxü i ñoma i naäne ga Tupana tamañ ixunetaxü. Rü ngëma rü guxütáma name, rü yixema rü tá ta

aixcūma time. ¹⁴Rü ngēmacax, Pa Chaueneēgü ya Pexũ Changechaũgüxex, rü ñuxma na ípenanguxēēxũ i ngēma, rü name nixĩ i aixcūma meã pemaxē rü aixcūma pegü pengechaũgü na taxuwama nachixexũcax i perũ maxũ rü aixcūma petaãēgüxũcax i ngēxguma wena núma naxũxgu. ¹⁵Rü name nixĩ i nüxna pecuaxāchie na yaxna tamaã naxĩnũxũ ya tórũ Cori, erũ nanaxwaxe na tũxũ nangēxmaxũ i tórũ maxũ i taguma gúxũ. Rü ngēmatama pexcax chanaxumatũxũrũ ta nixĩ ga pexcax naxumatũxũ ga taeneē ya nüxũ ingechaũgücũ ya Pauru ga yexguma Tupana naporaxēēacūma pexcax naxumatũagu. ¹⁶Rü guxũma ga norũ poperawa rü ñaã pexcax chaxumatũxũchiga nanaxumatũ ga Pauru. Natürũ yema pexcax naxumatũxũwa rü nangēxma i ñuxre i ore i guxchaxũ na nüxũ icuáxũ na tacũchiga yĩxũ. Rü ngēma duũxũgü i tama aixcūma Tupanaxũ cuaxgũxũ rü

tama aixcūma yaxõgũxũ, rü nanaxũchicũgü i ngēma ore ngēxgumarũ na guxũma i Tupanaarũ ore i ũmatũxũ naxũchicũgũxũrũ. Natürũ ngēma chixexũ na naxũgũxũgagu rü nügũ tátama inayarũtauxexē. ¹⁷Rü ngēmacax, Pa Chaueneēgü ya Pexũ Changechaũgüxex, rü ñuxma na nüxũ pecuáxũ i tacũ tá na ngupetũxũ, rü name nixĩ i pexuãēgü na tama pexũ nawomũxēēgũxũcax i ngēma chixexũ i duũxũgü rü tama nüxũ perũxoexũcax na meã peyaxõgũxũ. ¹⁸Rü ngēmacax, Pa Chaueneēgũx, penaxwaxe na pegü peporaexēēxũ na wũxichigü i ngunexũ yexeraacũ tórũ Cori ya Ngechuchu ya Cristu ya tórũ Maxēxēeruũxũ pecuáxũcax rü yexeraacũ nüxũ picuáetanũxũcax na ñuxacũ aixcūma pexũ nangechaũxũ. iRü ngēmacax rü guxũgutáma rü ngĩxã nüxũ ticuaxũgũ! Rü ngēmaacũ yĩ.

*Rü nuãma pexna,
Pedru*